

Broj: 666/24

Datum: 18.06.2024. godine

PRAVILNIK O PLAĆANJU ŠKOLARINE UČENIKA KOJI POHAĐAJU IB MIDDLE YEARS PROGRAM I IB DIPLOMA PROGRAM U JU DRUGA GIMNAZIJA SARAJEVO

Član 1.

- (1) Ovim Pravilnikom se uređuju pitanja plaćanja školarine učenika koji pohađaju komercijalne programe IB Middle Years Program (u daljem tekstu: IBMYP) i IB Diploma Program (u daljem tekstu: IBDP) u JU Druga gimnazija Sarajevo.

Član 2.

- (1) Roditelji-staratelji (u daljem tekstu: roditelji) učenika koji pohađaju IBMYP i IBDP su za školovanje njihove djece u ovim programima dužni potpisati ugovor najkasnije do kraja septembra prve godine odabranog programa.
- (2) Visina školarine koju roditelji plaćaju za školovanje svoje djece se definiira na osnovu programa koji učenici pohađaju i državljanstva pod kojim su učenici upisani u ove programe.
- (3) Prema Ugovoru o plaćanju školarine, roditelj je dužan školarinu za svaku školsku godinu uplatiti za vrijeme trajanja nastavne godine. Školarina se može uplatiti u svojoj ukupnoj visini, po polugodištu ili u mjesečnim obrocima.

Član 3.

- (1) Školarina za učenike bosanskohercegovačke državljanke koji pohađaju IBMYP iznosi 1.800,00 KM godišnje, odnosno 3.600,00 KM za pohađanje oba razreda ovog programa.
- (2) Školarina za učenike strane državljanke koji pohađaju IBMYP iznosi 7.200,00 KM godišnje, odnosno 14.400,00 KM za pohađanje oba razreda ovog programa.

Član 4.

- (1) Školarina za učenike bosanskohercegovačke državljanke koji pohađaju IBDP iznosi 3.000,00 KM godišnje, odnosno 6.000,00 KM za pohađanje oba razreda ovog programa.
- (2) Školarina za učenike strane državljanke koji pohađaju IBDP iznosi 12.000,00 KM godišnje, odnosno 24.000,00 KM za pohađanje oba razreda ovog programa.

Član 5.

- (1) Učenici strani državljanke stipendisti nekog od programa razmjene učenika koji uz saglasnost Ministarstva za odgoj i obrazovanje Kantona Sarajevo pohađaju IB programe u JU Druga gimnazija Sarajevo mogu pohađati iste plaćajući školarinu u visini definiranoj za bosanskohercegovačke, a ne strane državljanke.

Član 6.

- (1) Odluku o oslobađanju od plaćanja školarine, kao nagradu učenicima za uspjeh u radu donosi Školski odbor na prijedlog komisije škole koju sačinjavaju direktor škole, koordinator IB programa, IB pedagog psiholog i razrednici drugog, trećeg i četvrtog razreda.
- (2) Komisija škole predlaže oslobađanje najviše dva učenika u II, III i IV razredu na osnovu jasno definiranih kriterija koji mogu uključivati akademske rezultate učenika : odličan uspjeh, primjerno vladanje, priznanja na državnim i međunarodnim takmičenjima podržanim od strane ministarstva, angažman u vannastavnim i društveno – korisnim aktivnostima.

Član 7.

- (1) Školski odbor, na prijedlog direktora, može osloboditi roditelje učenika plaćanja školarine u novonastalim objektivnim okolnostima u kojima je jasno da roditelj više nije u mogućnosti izmiriti ugovorom preuzetu obavezu plaćanja školarine.
- (2) Okolnosti iz prethodnog stava roditelj dokazuje odgovarajućom dokumentacijom (potvrda JU Služba za zapošljavanje KS, potvrda poslodovca o visini primanja u prethodna tri mjeseca ili druga relevantna dokumentacija po zahtjevu Školskog odbora).

Član 8.

- (1) Roditelji su dužni podnijeti zahtjev za oslobađanje plaćanja školarine do kraja septembra tekuće godine.
- (2) Školski odbor nakon razmatranja zahtjeva može donijeti odluku o odbijanju zahtjeva, djelimičnom ili potpunom oslobađanju od školarine.
- (3) Svi zahtjevi koji budu podneseni nakon roka iz stava (1) neće biti uzeti u razmatranje.

Član 9.

- (1) Ukoliko IB programe u JU Druga gimnazija Sarajevo istovremeno pohađa dva ili više učenika iz iste porodice, školarina za drugo i svako sljedeće mlađe dijete se umanjuje u visini od 50% u svakoj školskoj godini u kojoj učenici iz iste porodice istovremeno pohađaju IB programe,
- (2) Umanjenje o plaćanju školarine iz stava (1) ovog člana se ne odnosi na strane učenike za koje troškove školarine pokrivaju diplomatsko-konzularna predstavništva ili druge međunarodne vladine i nevladine organizacije kod kojih su njihovi roditelji-staratelji uposleni.
- (3) Koordinator IB programa su u obavezi da podnesu izvještaj o potpisanim ugovorima računovodstvu škole.

Član 10.

- (1) Ukoliko učenik prekine svoje školovanje u IB programu za vrijeme trajanja nastavne godine, roditelji učenika dužni su uplatiti školarinu u iznosu proporcionalnom broju polugodišta koje je u toj nastavnoj godini učenik započeo kao učenik IB programa.
- (2) Ukoliko učenik svoje školovanje u IB programu prekine prije završetka prvog polugodišta, roditelji učenika dužni su uplatiti pola visine školarine za tu školsku godinu.

- (3) Ukoliko učenik svoje školovanje u IB programu prekine nakon početka drugog polugodišta, roditelji učenika dužni su uplatiti školarinu za tu školsku godinu u njenom punom iznosu.

Član 11.

- (1) Školarina se uplaćuje isključivo bankovnim putem, preko Jedinstvenog računa Trezora Kantona Sarajevo, u skladu s podacima koje škola dostavlja roditeljima učenika zajedno sa Ugovorom o plaćanju školarine.
- (2) Za uplate unutar Bosne i Hercegovine školarina se uplaćuje isključivo u konvertibilnim markama (KM). Za uplate iz inozemstva, školarina se uplaćuje u eurima (EUR) u iznosu koji predstavlja protuvrijednost visine školarine izražene u KM po srednjem kursu Centralne Banke na datum izdavanja fakture ili izvršenja uplate.

Član 12.

- (1) U okviru školarine učenika uključeni su svi pojedinačni troškovi koje JU Druga gimnazija Sarajevo u ime učenika ima prema International Baccalaureate Organization i korištenje svih domaćih i stranih udžbenika neophodnih u nastavi koje učenici posuđuju iz školske biblioteke, a koje po završetku nastavne godine vraćaju u školsku biblioteku.
- (2) U slučaju ponovne prijave za polaganje završnih ispita u IBDP-ju, roditelji učenika dužni su prijavu za polaganje ispita platiti u skladu s cijenama koje za svaki ispitni rok propisuje International Baccalaureate Organization.

Član 13.

- (1) Ukoliko roditelji učenika IB programa blagovremeno ne izvrše obavezu plaćanja školarine za svoje dijete preuzetu potpisivanjem Ugovora o plaćanju školarine, JU Druga gimnazija Sarajevo ne izdaje učeniku svjedodžbe/diplome o završenom razredu IB programa za koji školarina nije u cijelosti izmirena.

Član 14.

- (1) Praćenje i evidentiranje izvršenih uplata je u nadležnosti računovodstva škole, koje do 10. januara svake godine priprema pregled uplata za svakog učenika za prvo polugodište, odnosno do 10. juna priprema pregled uplata za svakog učenika za cijelu nastavnu godinu.
- (2) Pregled izvršenih uplata mora biti dostupan direktoru škole, koordinadorima međunarodnih programa i razrednicima odjeljenja. Evidencija o izvršenim uplatama se vrši odvojeno za svaku školsku godinu.

Član 15.

- (1) Ukoliko Škola donese odluku o promjeni visine školarine za pohađanje IB programa u JU Druga gimnazija Sarajevo, ta odluka se neće odnositi na učenike čiji su roditelji već potpisali dvogodišnji Ugovor o načinu plaćanja školarine.

- (2) Za sve eventualne promjene koje bi se dogodile u vezi s promijenjenim okolnostima ili načinom finansiranja IB programa roditelji će biti blagovremeno obaviješteni.

Član 16.

- (1) Stupanjem na snagu ovog Pravilnika, prestaje da važi Pravilnik o plaćanju troškova školarine učenika koji pohađaju IB MIDDLE YEARS PROGRAM I IB DIPLOMA PROGRAM U JU Druga gimnazija Sarajevo (broj: 736-1/23 od 14.07.2023. godine).

Član 17.

- (1) Ovaj Pravilnik stupa na snagu osmog dana od dana donošenja i objave na oglasnoj ploči Škole.

 **Predsjednik Školskog odbora**

Taiba Purišević

Dostaviti:

1. Dosije ŠO
2. web stranica
3. a/a